

山西通志

(六)

新修
平陽府志

PDG

山西通志卷第一百四十七

山西巡撫都察院右副都御史臣覺羅石麟奉

旨修輯

寓賢

三晉山巖複阻而昔之名賢往往流連其地而不能去自獲澤七友首陽二士以後如子產季札晏嬰其遺風餘韻之存於載籍者固已多矣唐宋如李杜韓歐皆客晉錄其習久者蓋以申僑札之分也志寓賢

太原府

周

蔡澤燕人見逐於趙而入韓魏遇奪釜鬲於涂聞應侯任鄭安平王稽皆負重罪應侯內慙乃西入秦說應侯辭位秦

山西通志

卷一百四十七 寓賢

一

昭王召見與語大悅之拜為客卿應侯免相遂拜澤為秦相東收周室澤相秦數月謝病號為剛成君

漢

第五種字與先少勵志義永壽中拜兖州刺史時單超兄子匡為濟陰太守種糾發其賊罪並以劾超超積懷忿恨遂以事陷種竟坐徙朔方超外孫董援為朔方太守穡怒以待之初種為滑相以門生掾孫斌賢善遇之及當徙斥斌具聞超謀乃謂其友人同縣閻子直及高密甄子然曰蓋盜憎其主從來舊矣第五使君當投裔土而單超外屬為彼郡守夫危者易仆可為寒心吾今方追使君庶免其難若奉使君以還將以付子二人曰子其行矣是吾心也於是斌將俠客晨夜追種及之於太原遮險格殺送吏閣下

馬與種斌自步從一日一夜行四百餘里遂得脫歸種匿於閭甄氏數年徐州從事臧旻上書訟之會赦出卒於家鄭康成高密人嘗著戒子書曰吾家舊貧不為父母羣弟所容去廝役之吏游學周秦之都往來幽并兖豫之域獲勤乎在位通人處逸大儒得意咸從捧手有所受焉

魏

楊俊字季才河內獲嘉人受學陳留邊讓以河內處四達之衝詣京密山間轉避地并州本郡王象少孤時為人僕隸年十七八使牧羊而私讀書因被筆楚俊嘉其才質即贖象著家聘娶立屋然後與別魏初任南陽太守以嘗稱臨苗侯被禍衆寬之

晉

山西通志

卷一百四十七 寓賢

二

周虢南安城人少有節操寧康初任梓潼太守為苻堅所獲欲以為尚書郎不受屢試堅欲謀殺之堅引問狀虢曰昔豫讓為智伯臣猶漆身吞炭不忘忠節况虢世荷晉恩豈敢忘耶堅乃從於太原病卒後子興迎致其喪冠軍將軍謝元臨哭之為請贈龍驤將軍益州刺史賻錢二十萬布百疋以贍賜其家

北魏

元丕魏高祖時遷太尉錄尚書事時淮南王他淮陽王尉元河東王苟頴並以舊老見禮每有大事引入禁中乘步挽杖於朝進退相隨丕他元三人皆容貌壯偉腰帶十圍大耳秀目鬚鬢斑白百僚觀瞻莫不祇聳唯苟頴小為短劣姿望亦不逮之不復遷太傅以老居并州會穆泰等不樂

南遷丕心頗然之詔丕應遷坐免爲太原百姓其後妻二子聽隨時五年垂八十猶自平城力載隨駕至洛陽高祖每遣左右慰勉之乃還晉陽高祖崩丕自并州來赴敕留洛陽尋詔以丕爲三老薨年八十二

辛紹先隴西狄道人父淵以義烈見稱西土世祖平涼州紹先內徙家於晉陽明敏有識量與廣平游明根范陽盧度世同郡李承等甚相友善先是藜泉之戰淵以所乘馬援李敏而身死於難紹先三年口不甘味頭不梳沐髮遂落盡至是常著垂裙皂帽起家中書博士轉神部令下邳太守加寧朔將軍太和十三年卒贈并州刺史晉陽公謚惠孫僧化東莞人識星分案天占以言災異時有所中爲通直散騎常侍普泰中爾朱世隆惡其多言遂繫於廷尉免官

山西通志

卷一百四十七

高賢

三

永熙中出帝召僧化與中散大夫孫安都共撰兵法未就而帝入關遂罷元象中卒於晉陽

盧景裕字仲儒范陽涿人少聰敏專經爲學河間邢摩納與景裕從兄仲禮據鄉應西魏齊獻武王驛馬徵景裕繫晉陽獄後舍之使教諸子在館十日一歸家隨以鼎食與和中補齊王開府屬卒於晉陽齊獻武王悼惜之景裕注易行於世

李鉉字寶鼎渤海南皮人九歲入學書急就篇月餘便通以鄉里無可師遂與州里楊元懿河間宗惠振等結侶詣大儒徐遵明受業居徐門下五年常稱高弟二十三撰定孝經論語毛詩三禮義疏及三傳異同周易義例合三十餘卷用心精苦曾三冬不畜枕每至睡時假寐而已教授生

徒多至數百後以鄉里寡文籍來遊京師讀所未見書州舉秀才武定中李同軌卒高祖令世子在京妙簡碩學以教諸子世子以鉉應旨徵詣晉陽時中山石曜北平陽綢北海王暕清河崔瞻廣平宋欽道及工書人韓毅同在東館師友諸王鉉於講授之暇覽說文倉雅刪正六藝經注中謬字名曰字辨顯祖受禪從駕還都爲國子博士詔以經授濟南甚見優禮卒還葬故郡太子致祭奠之禮并使王人將送儒者榮之

崔子約清河人休子悛弟性孝長八尺餘姿神雋異潛觀梁使劉孝儀賓從見者駭目武定中與兄子瞻俱詣晉陽寄居佛寺子瞻長子約二歲每憑几相對儀望俱華諸沙門竊窺之以爲二天人也後爲考功郎卒

山西通志

卷一百四十七

高賢

四

北齊

刁柔字子溫渤海人父整魏車騎將軍柔少好學綜習經史尤留心禮儀性強記至於氏族內外多所諳悉元象中隨例到晉陽高祖以爲永安公府長流參軍又令教授諸子天保時除中書舍人同修魏史卒

楊愔字遵彥宏農華陰人父津魏司空愔幼未嘗戲弄庭前有柰樹實落地羣兒成爭之愔頽然獨坐其季父暉適入學館見之大相嗟異於宅內茂竹林邊別葺一室令獨處其中常以銅盤具盛饌以飯之因督勵諸子曰汝輩但如遵彥謹慎自得竹林別室銅盤重肉之食正光中隨父之并州性既恬默又好山水遂入晉陽西懸甕山讀書永安中津爲并州刺史北道大行臺愔隨之任出帝初還華陰

營葬訖齊高祖尋徵赴晉陽情從兄幼卿以直言見誅取
急就雁門溫湯療疾郭秀素害其能因致書恐之曰高王
欲送卿於帝所仍勸其逃亡情遂棄衣冠於水濱若自沉
者變易名姓自稱劉士安入嵩山與沙門曇謨徵等屏居
剎迹又潛之光州因東入田橫島以講誦爲業海隅之士
聞之劉先生太守王元景陰佑之神武知情存遺情從兄
寶猗齋書慰喻仍遣光州刺史奚思業令搜訪以禮發遣
神武見之悅除太原公開府司馬轉長史天保中遷尚書
右僕射尚太原長公主九年徙尚書令乾明元年二月以
忠衛濟南爲常山長廣二王所殺情著詩賦表奏書論甚
多沒後散失門人鳩集所得者萬餘言

李德林字公輔博陵安平人該博典墳善屬文詞敷理暢齊
山西通志 卷二百四十七 寓賢 五

天保中舉秀才擢甲科皇建初詔搜揚人物追赴晉陽撰
思春賦一篇代稱典麗仕至柱國郡公終懷州刺史卒謚
文

盧公順范陽涿人胡后舅正山子早以文學見知武平中符
璽郎待詔文林館與博陵崔君洽隴西李師上同志友善
從駕晉陽寓居僧寺朝士謂康寺三少爲物論推許

張虔威字元敬清河東武城人開皇初晉王廣出鎮并州盛
選僚佐以爲刑獄叅軍累遷爲屬與河內張衡甚見禮重
晉邸稱爲二張大業中累加開府歷江都贊治卒

崔暕字祖濟博陵安平人性至孝博學善屬文開皇中射策
高第累授晉王記室叅軍起居舍人大業四年從駕幸汾

陽宮登太行山詔問曠曰何處有羊腸坂對曰臣按漢書
地理志上黨壺關縣有羊腸坂上曰不是又答曰臣按皇
甫士安撰地書云太原北九十里羊腸坂上曰是也因
謂牛宏曰崔祖濟可謂問一知二終鷹揚長史
徐文遠洛州偃師人方正純厚有儒者風開皇中官太學博
士詔往并州爲漢王諒講孝經禮記坐除名大業初復爲
博士公卿寶威等多從授學後爲唐博士封東莞縣男
裴仁基河東人開皇中以拜儀同領漢王諒府親信諒將反
仁基苦諫諒怒囚之諒敗累授光祿大夫後以謀劫王世
充復立越王侗遇害

唐
張平高綏州膚施人隋末爲鷹揚府校尉戍太原爲高祖所
山西通志 卷二百四十七 寓賢 六

識因叅謀議爲軍頭封蕭國公

夏侯端壽春人與高祖善大業中高祖帥師於河東討捕請
端爲副遂以御史監軍及義師起端在河東爲吏所捕送
長安高祖入關授秘書監加大將軍持節招慰河南節尤
著終梓州刺史

李思行趙州人嘗避讐太原高祖令赴長安還具論機變深
稱旨授左三統軍從破宋老生封樂安郡公卒謚襄

李高遷岐州岐山人隋末客遊太原高祖常引之左右擒高
君雅王威有力焉從平霍邑力戰功最

張後允蘇州崑山人父中有儒學隋漢王諒出牧并州引爲
博士後允從父在并州以學行見稱時高祖鎮太原原居
賓館太宗就授春秋左氏傳義師之舉後允首贊之貞觀

中歷授國子祭酒散騎常侍卒贈禮部尚書

段志元齊州臨濟人父偃隋末爲太原司法書佐志元從父客太原以割果諸少年畏之甚爲太宗所識義兵起募得千餘人授都督府軍頭從平霍邑絳郡皆爲先鋒突擊桑顯和躡獲突厥通于稠桑封褒國公卒贈揚州都督謚曰忠壯

衛遜陽羨人少習詩書學弓劍有武畧二十七遊并汾間遇高祖始建義旗遜以勇藝進備行列泊擒竇建德遜時挾鎗劍前突後翼太宗顧而奇之天下既定錄其功拜將軍宿衛以母老且病乞歸侍詞旨哀激詔許之旣而以孝敬睦固門以然信居鄉里及卒邑人懷其賢廟於荆溪之滑以平生弓甲懸東西廡下歲時祠祭頗福其土焉

山西通志

卷一百四十七

寓賢

七

李白字太白興聖帝九世孫隋末徙西域神龍初還客巴西白十歲通詩書旣長隱岷山更客任城天寶初南入會稽明皇召見懇求還山遂浮遊四方至并州嘗有憶舊遊寄譙郡元參軍詩又有太原早秋詩太白在太原夏秋易季歲月滋深晉祠尤爲亟遊地初白遊并州見郭子儀奇之子儀嘗犯法白爲救免永王璘難作子儀請解官以贖後客當塗代宗以左拾遺召而已卒

顏泉明常山太守杲卿子天寶十四載杲卿擒賊將高遵何千年遣泉明與前正定令賈深內邱丞張通幽手力程萬德函賊將蔣欽奏首械二賊送長安至太原節度王承業留之自上表獻之以爲已功及杲卿遇害眞卿爲蒲州刺史令泉明於河北訪求血屬購還姑女眞父將吏袁履謙

已下妻子奴隸等三百餘人悉以歸蒲州贍養久之隨其志行仁義所詣而資送之又求得父屍與履謙屍護還長安世服其

馬炫汝州郟人燧兄至德中李光弼鎮太原署掌書記常參

軍謀光弼器焉歷連潤二州刺史以兵部尚書致仕卒

崔從字子又清河武城人國子司業融曾孫少孤貧與兄能

偕隱太原山中力學會歲饑拾橡實以飯講誦不輟怡然

終日不出山巖如是者十年貞元初登進士立朝稜稜有

風望四爲大鎮終檢校左僕射揚州大都督府長史贈司

空謚貞能亦授嶺南節度使

賈直言大歷中代父飲醢以孝義著聞劉悟鎮澤潞奏置幕

中悟繼微乖失直言盡理規箴路軍圍監軍劉承偕直言

遣入責曰司空縱兵脅使者是欲效李司空耶他日復爲

軍所指笑悟乃匿承偕於第以免穆宗徵爲諫議大夫悟

拜章乞留復授檢校右庶子兼御史大夫依前充昭義軍

行軍司馬劉從諫嘗見直言衣紫擁笏直言諫曰郎少年

無襲山東態朝服可損著耶悟卒大將劉武德等謀使鄰

道表求襲位直言曰若從武德謀吾見劉氏爲元濟矣乃

自攝留後使從諫居喪初從諫惟鄴兵二千同謀直言旣

折之軍中遂安太和九年卒贈工部尚書

李師晦宗室子劉悟辟致幕府及從諫恣橫假事歸東都路

澤平擢伊闕令

歐陽詹字行周泉州晉江人貞元八年進士客太原旅懷呈

薛十八侍御齊十二奉禮詩又陪太原鄭行軍中丞登汾

上閣詩見行周集

符璘字元亮令奇子降馬燧署爲軍副詔拜特進封義陽郡王既聞父見害號絕泣血燧表其寃加檢校左散騎常侍賜晉陽第一區祁田五十頃燧討李懷光璘以五千兵先濟河與西師合從燧入朝爲輔國大將軍璘之降母匿里中獨免及田悅死詔迎至京賜宴別殿璘居環衛十三年卒贈越州都督

崔元翰齊國公日用從子第進士馬燧表爲太原掌書記召拜知制誥訓辭溫厚有典詰風年七十餘卒

高銖字重權渤海人第進士署太原張宏靖幕府遷監察御史擢給事中直諫著歷禮部尚書卒

高銛字弱金銖弟第進士辟河東府參謀歷禮部侍郎知貢
中南通志 卷一百四十七 高賢 九

舉時稱得人轉吏部出爲鄂岳觀察使卒

劉巨敖彭城人父承慶朔州刺史巨敖好讀老子莊周書爲太原晉陽令再世官北方樂其土俗遂著籍太原之陽曲

曰自我爲此邑人可也何必彭城乃昌裔之祖也

李璋贊皇人絳子第進士盧鈞鎮太原辟爲從事大中末入朝仕至宣歙觀察使

李渥乾符初左拾遺鄭從謨鎮太原奏掌書記

王郁京兆萬年人義武節度處存子處存卒郁代爲節度累加太保同平章事光化三年爲汴將張存敬所攻攜族奔太原李克用累表授太尉天復初卒於晉陽

後唐

盧質字子微河南人幼聰慧善屬文事唐爲秘書郎後游太

原晉王以爲河東節度掌書記質與張承業等定議立莊

宗爲嗣莊宗卽位欲以質爲相質性疎逸不欲任責固辭不拜拜太原尹北京留守晉天福中卒年七十六諡文忠

趙玉薊州漁陽人客涪州依節度判官呂兗劉守光破涪州收兗親屬盡戮之兗子琦年十四玉負之以逃至太原變

姓名丐衣食以給琦當是時燕趙之士以玉能存孤翕然稱之琦清泰中爲端明殿學士玉已卒矣子文度入洛舉

進士琦薦於主司馬裔孫擢甲科
劉贊魏州人父玘爲縣令贊始就學衣以青布衫襦每食則

玘自肉食而別以蔬食食贊於牀下由是贊益力學舉進士明宗時拜秘書監爲秦王從榮傳至府則從容諷諫率

以正道退則杜門不交人事秦王敗論坐長流嵐州百姓
山西通志 卷一百四十七 高賢 十

清泰二年詔歸田里行至石會關卒

後晉

焦繼勳許州長社人少讀書有大志嘗謂人曰大丈夫當立功異域取萬戶侯豈能孜孜事筆硯哉遂棄其業遊三晉

間爲輕俠晉祖鎮太原以儒服謁見晉祖與語悅之留帳下天福初授皇城兼宮苑使累官宣徽南院使漢授保大

軍節度使宋太平興國三年卒年七十八贈太尉

後周

李重進滄州人周太祖之甥福慶長公主之子也生於太原後太祖令拜世宗定君臣分重進色黥伐淮南吳人號黑

駝大王仕至校檢太尉淮南道節度使宋初起兵城陷經火自焚

宋

錢俶字文德杭州臨安人本名宏俶以犯宣祖偏諱去之漢乾祐初授吳越國王加尚書令天下兵馬鄴元帥宋太平興國三年納土改封淮海國王四年四月從征太原賜羊三百酒十斛俶小心謹恪每晨趨行闕人未有至者俶必先至假寐以待旦上知之謂俶曰卿已中年宜避風冷自今入謁不須太早也特輟御前二大燭以賜之令先赴前頓上嘗賜從臣食於中路頓并賜衛士羊臂膾醢酒醢其飲啖上見其雄壯因顧俶進曰所謂如虎如豹如熊如羆者也會劉繼元降上御連城臺誅軍中先亡命太原者顧謂俶曰卿能保全一方以歸於我不致血刃深可嘉也俶頓首謝俶中途被足疾車駕親臨問令太醫然艾以灸病

山西通志

卷一百四十七 寓賢

士

尋愈還京策勲宰相進擬加食邑萬戶實封千戶上即改白麻倍加食邑二萬戶實封二千戶端拱元年卒追封秦國王謚忠懿

李瓊字子玉幽州人幼好學涉獵史傳杖策詣太原唐莊宗募勇士應募與周祖等十人約為兄弟周祖與瓊情好尤密嘗過瓊見其危坐讀書因問所讀何書瓊曰此闔外春秋也周祖令讀之謂瓊曰兄當教我自是周祖出入常袖以自隨遇暇輒讀每問難瓊謂瓊為師及討河中乃解瓊兵籍令泰西征軍事累官安州防禦使民立碑頌德詔中書舍人賈儀撰文賜之宋初召為太子賓客建隆三年致仕瓊信釋氏明年四月八日詣佛寺遇疾歸至暮卒年七十三贈太子少師

曹翰大名人周祖命隸世宗帳下從征高平叅預謀畫宋初

從征澤潞開寶二年從征太原為行營都壕砦使太平興國四年從征太原為攻城南面都部署上曰卿智勇無雙西北面非卿不能當築土山穿渠遂平之官威塞軍節度卒贈太尉謚武毅

呂大鈞字和叔京兆藍田人大防弟學於張載中進士乙科熙寧中韓絳宣撫陝西河東辟書寫機密文字府罷移知侯官縣復為鄜延從事卒載嘗歎其勇為不可及云

李之儀字端叔滄州無棣人登第三十年乃從蘇軾於定州徽宗初提舉河東常平坐為范純仁遺表作行狀編管太平終朝請大夫之儀工尺牘賦謂人刀筆三昧

金

山西通志

卷一百四十七 寓賢

主

張中孚字信甫其先自安定徙居張義堡父達宋封慶國公中孚以父任補承節郎侍父守太原金宗翰圍太原其父戰沒中孚泣涕請迹父尸乃獨率部曲十餘人入金軍中竟得其尸以還後仕金至尚書左丞封崇王卒西人數萬為罷市

劉宣字伯宣其先潞人以出戍留居忻金末避地於陝後徙太原宣沉毅清介居家孝友幼喜讀書有經世之志宣撫張德輝至河東見而器重之還朝薦為中書省掾官至集賢學士行臺御史中丞

元

怯烈西域人世居太原由中書驛史從賽典赤為雲南行省幕官諸洞欵附嘗頒詔於緬緬王稽顙仕至資善大夫雲

南行中書省左丞大德四年卒

貳木台扎刺台人太宗時嘗駐軍太原平陽土人德之皆爲立祠

覺志善陝西華陰人通五經尤精三命之術仕元至河南中書省參政元末避亂更名鼎新徙家榆次占籍縣東陽里子文彥號白雲子博極羣書以教授爲業士多負笈從之

明桂彥良名德稱以字行慈谿人元鄉貢進士洪武六年徵詣公車後爲晉王府右傳上親爲文賜之彥良入謝上曰江南大儒惟卿一人彥良至晉製格心圖獻王後更官制改左長史請告歸卒

周天球江南太倉人有雋才詩與文俱爲一時冠工書法能

山西通志卷一百四十七 主
作大字小篆尤精性好遊芒鞋竹杖盤桓名山勝水通都大邑間王明甫桂子山莊故河東藩府別業也其西南當樓櫓處覆土作臺有天球振衣岡三大字其東北有阜丸如作草亭其上玩晚山最勝天球小篆其滑曰夕佳王嘗侈爲奇觀

呂時字而東鄆縣人胡懷玉字楚谿河南人並以山人能詩寓居晉陽與王明甫孔文谷諸人相唱和臨清謝榛聞喜裴邦奇亦時與焉

賈斌商河人爲山西都司吏景泰三年八月都司令斌上疏言宦官其畧曰漢桓帝歸權宦官唐文宗受制家奴宋徽欽開寺專國此皆前王覆轍後所當鑒者也臣採史傳所記直節盡忠之士名忠義集而恃寵竊政之宦官可爲鑒

戒者附焉釐成四卷敬進闕庭乞命工刊布之臣僚觀感而闕寺不得縱其奸究之私禮部以其言當乞垂鑒納不

必刊行上報聞

張漢鍾祥人嘉靖二十三年爲兵部左侍郎代翟暇總督宣大山山西時寇已出境乃命翁萬達總督宣大而以漢專督畿輔河南山東諸軍漢請大將得專殺偏裨總督亦得斬大將上不欲假臣下權兵部言漢老邊事言皆可從姑報可會言官劾漢剛愎遂械繫詔獄謫戍鎮西衛居戍所二十年卒隆慶初贈兵部尚書

平陽府

周

遼罷字子蕩楚大夫靈王二十五年如晉蒞盟平公享之將

山西通志

卷一百四十七 萬賢

南

出賦既醉叔向曰遼氏之有後於楚國也宜哉承君命不忘敏子蕩將知政矣敏以事君必其養民政其焉往季孫行父魯大夫襄靈時兩使於晉後復使如晉魯宣伯使晉於卻犇請殺之晉執之舍於若邱成公使子叔聲伯請於晉犇不許范文子曰季孫於魯相二公矣妾不衣帛馬不食粟可不謂忠乎子叔嬰齊奉君命無私謀國家不貳圖其身不忘其君信讒惡而棄忠良若諸侯何乃許魯平赦行父歸

公孫歸父字子家魯大夫欲去三桓以張公室與宣公謀而聘於晉欲以晉人去之公薨還及塋壇惟復命於介既復命袒括髮卽位哭三踊而出遂奔齊晏嬰齊大夫靈王十九年晉人執衛侯嬰相齊侯如晉私於

叔向曰晉君宣其明德於諸侯恤其患而補其闕正其違而治其煩所以爲盟主也今爲臣執主若之何叔向以告晉人歸衛侯景王六年齊侯復使嬰請繼室於晉平公許之既成昏受禮叔向從之宴相與語齊晉之敵嬰曰此季世也吾弗知齊其爲陳氏矣因言公棄其民而歸於陳氏之故叔向亦以晉公室之衰告之後齊如其言

公孫僑字子產一字子美鄭大夫靈王二十三年晉徵朝於鄭鄭使僑於晉對之又三年鄭伐陳使僑獻捷於晉晉人問陳之罪僑對其辯晉人不能詰乃受其獻景王二年相鄭伯如晉晉侯以魯喪未見僑使盡壞其館之垣土文伯讓之僑以益賊公行賓見無時對趙武問之曰是吾罪也使文伯謝之平公見鄭伯有加禮厚其宴好而歸之叔向

山西通志

卷一百四十七 寓賢

五

曰辭之不可已也如是夫子產有辭諸侯賴之若之何其釋辭也明年平公有疾鄭使僑聘晉且問之時卜人言實沈臺駘爲祟史莫之知叔向以問僑僑曰昔高辛氏有二子伯曰閼伯季曰實沈居於曠林不相能也日尋干戈以相征討后帝不臧遷閼伯於商丘主辰商人是因故辰爲商星遷實沈於大夏主參唐人是因以服事夏商其季世曰唐叔虞當武王已姜方娠太叔夢帝謂已余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而封太叔焉故參爲晉星由是觀之則實沈參神也昔金天氏有裔子曰昧爲元冥師生允格臺駘能業其官宣汾洮障大澤以處太原帝用嘉之封諸汾川沈如蓐黃實守其祀今晉主汾而滅之矣由是

山西通志

卷一百四十七 寓賢

夫

觀之則臺駘汾神也抑此二者不及公身若公身則亦飲食哀樂之事也僑問之君子有四時朝以聽政書以訪問夕以修令夜以安身於是乎節宣其氣勿使有所壅閉淤底以露其體茲心不爽而昏亂百度今無乃壹之則生疾矣僑又問之內官不及同姓故志曰買妾不知其姓則卜之違此二者古之所慎也男女辨姓禮之大司也今公內實有四姬焉其無乃是也乎若由是二者弗可爲也已四姬有省猶可無則必生疾矣叔向稱善公問之曰博物君子也重賄之十年復聘於晉時昭公有疾夢黃熊入於寢門韓起逆客問焉僑曰昔堯殛鯀於羽山其神化爲黃熊以入於羽淵實爲夏郊三代祀之晉爲盟主其或者未之祀也乎起祀夏郊晉侯有間賜僑以莒之二方鼎先是公賜州田於公孫段至是僑爲其子豐施歸之於起僑數聘晉與叔向善叔向嘗問鄭政與其大夫僑對之後皆如其言及鄭鑄刑書叔向貽書諫之僑復書曰吾以救世也既不承命敢忘大忠其獻陳捷於晉也孔子嘗稱之曰志有之言以足志文以足言不言誰知其志言之無文行之不遠晉爲伯鄭入陳非言辭不爲功慎辭哉

游吉鄭大夫靈王二十七年如晉告朝楚少姜之葬暨虎祁成威至晉送賀敬王二年相鄭伯如晉見范獻子獻子以王室問對曰老夫其國家不能恤敢及王室抑人亦有言曰棧不恤其緯而憂宗周之隕爲將及焉今王室實蠢蠢焉吾小國懼矣然大國之憂也吾儕何知焉吾子其早圖之獻子懼而與宣子圖之乃徵會於諸侯四年夏遂會於

黃父令輪王粟具成人曰明年將納王趙簡子見吉問揖讓周旋之禮焉對曰是儀也非禮也夫禮天之經也地之義也民之行也天地之經而民是則之故能曲直以赴於禮者謂之成人簡子曰執也請終身守此言也頃公之葬鄭復使吉弔且送葬士景伯詰其無貳之故吉對以禮有豐省晉不能詰十四年返自召陵吉未至而卒簡子爲之臨甚哀曰黃父之會夫子語我九言曰無始亂無怙富無恃寵無違同無放禮無驕能無復怨無謀非德無犯非義季札吳公子景王元年歷聘諸國適晉說趙文子韓宣子魏獻子曰晉國其萃於三族乎說叔向將行曰吾子勉之公侈而多良大夫皆富政將在家吾子好直必思自免於難叔弓魯大夫景王五年如晉平公使郊勞辭曰寡君使弓來

山西通志

卷一百四十七

七

繼舊好固曰女無敢爲賓徹命於執事敝邑宏矣敢辱郊使請辭致館辭曰寡君命下臣來繼舊好好合使成臣之祿也敢辱大館叔向曰子叔子知禮哉忠信禮之器也卑讓禮之宗也辭不忘國忠信也先國後已卑讓也詩曰敬慎威儀以近有德夫子近德矣十一年復如晉賀處祁叔孫豹魯大夫厲平之世凡五使於晉賦詩應對咸適事宜晉人稱之范宣子嘗問不朽於豹以范氏先世爲言豹曰此謂世祿非不朽也豹聞之太上有立德其次有立功其次有立言雖久不廢此之謂不朽若夫保姓受氏以守宗祔世不絕祀無國無之祿之大者不可謂不朽子貢衛人齊田常欲伐魯子貢請行孔子許之遂行至齊說田常伐吳田常許之使子貢南見吳王說使救魯伐齊吳

以越爲憂子貢請東見越王王令出兵以從還報吳王於是吳王乃遂發九郡兵伐齊子貢由吳之晉謂晉君曰臣聞之慮不先定不可以應卒兵不先辦不可以勝敵今夫齊與吳將戰彼戰而不勝越亂之必矣與齊戰而勝必以其兵臨晉晉君大恐曰爲之奈何子貢曰修兵休卒以待之晉君許諾子貢去而吳王勝齊於艾陵以兵臨晉晉人擊之吳師敗越遂襲吳

溫叔周杜伯子宣王殺杜伯溫叔奔晉生士爲爲獻公司徒其後世爲晉卿

樗里子名疾秦惠王之弟也滑稽多智號智囊惠王八年將而伐曲沃盡出其人取其城池二十五年爲將伐趙虜趙將軍莊豹拔蘭武王立爲右丞相昭王元年將而伐蒲蒲

山西通志

卷一百四十七

六

守請胡衍說樗里子勿攻樗里子善之遂解蒲而去還擊皮氏皮氏未降又去七年卒

晉

劉毅東萊人孝而有節居平陽太守杜恕請爲功曹時語曰但聞劉功曹不闢杜府君晉武時累官尚書僕射子噉正直有父風官至左丞

北魏

鄺惲字幼渠范陽涿鹿人範弟神虎子也好學有文才尤長吏幹正光中刺史裴延儒舉秀才射策高第後延儒爲行臺尚書引爲行臺郎以招撫有稱及延儒解還行臺長孫稚又引爲行臺郎加征虜將軍惲頗兼武用常以功名自許每進計於稚多見納用以功賞魏昌縣開國子後與唐

州刺史崔元珍固守平陽武泰中爾朱榮稱兵赴洛憚與元珍不從其命為榮行臺郎中樊子鵠所攻城陷被害時年三十六世咸痛情之所作文章行於世

北周

宇文慶字神慶河南洛陽人累授驃騎大將軍建德五年從伐齊拔晉州其後齊師大至慶與宇文憲輕騎而規卒與賊遇為所窘憲挺身遁慶退據汾橋衆賊爭進慶引弓射之折中人馬必倒賊乃少却及破齊拔高壁克并州功並居最詔封汝南郡公開皇初拜武衛將軍上柱國涼州總管卒

唐

姜寶誼秦州上邦人大業末鷹揚郎將領府兵從高祖督盜山西通志卷一百四十七

卷一百四十七

九

太原及起兵授左殺軍下西河霍邑武德初封永安縣公歷右武衛大將軍劉武周數遣黃子英益雀鼠谷命寶誼擊之遇伏被執尋亡歸與裴寂拒宋金剛戰汾州寂走寶誼復為所擒上問曰彼烈士必不肯下賊死矣賜其家物千段米三百斛果謀還被害且死西向大呼曰臣無狀負陛下賊平詔迎其柩贈左衛大將軍諡曰剛

姜纂上邦人從唐高祖平霍邑絳郡上言多見嘉納後為參

軍民畏其法而懷其仁比去位隱於霍之石鼻谷

員半千字榮期齊州全節人其先本彭城劉氏十世祖凝之事宋起部郎及齊受禪奔元魏以忠烈自比伍員因自姓員半千始名餘慶羈州通書史客晉州州舉童子房元齡異之對詔高第已能講易老子長事王義方以遺秀見賞

義方嘗曰五百歲一賢者生子宜當之因改今名凡舉八科皆中咸亨中上書自陳臣家貲不滿千錢有田三十畝粟五十石問陛下封神岳舉豪英故鬻錢走京師朝廷九品無改孝親行年三十懷志潔操未蒙一官不能陳力歸報天子陛下何惜玉陛方寸地不使臣披露肝膽乎俄舉岳牧對策擢高第使吐蕃將行武后曰久聞爾名謂為古人乃在朝邪境外事不足行宜留待制即詔入閣供奉為宏文館直學士又待制顯福門下累封平原郡公半千事五君有清白節年老不衰樂山水自放開元九年遊堯山沮水間愛其地遂定居卒年九十四即葬焉

褚無量字宏度杭州鹽官人精禮及司馬史記擢明經除左散騎常侍兼國子祭酒開元五年東巡狩上疏請所過名

山西通志卷一百四十七

手

山大川邱陵墳衍古帝王賢臣在祀典者並詔致祭上納之即詔無量祠堯平陽在所刺史參獻七年卒贈禮部尚書

李拯字昌時隴西人咸通中進士累佐府幕黃巢亂避地平陽後為考功郎中知制誥時襄王熿之難拯嘗退朝望南山而吟吟已涕下襄王敗拯為亂兵所殺妻盧氏刃斷一臂死

李餘福京兆人參政昭德之孫為唐監察御史適丁唐末致仕閒居昭宗乾寧四年挈家東行至晉地越陵山東紫胡口詢其地父老云東南曰翼城唐叔始封之都也西北曰壽城鄭太子分封之域也餘福遂卜地焉其後元弼明經中選知曲沃縣事

楊宗雁門人唐昭宗天祐中仕至大司空以唐末兵起遂卜地於翼石鄭莊其後子孫楊璘輩累代貴顯

元

張從諫浙江寧波人元學士元亡遂遠遁伴征乞於翼市後以詩贈學諭學憫其寒令諸生遺之以布從諫曰何相輕如此古之却衣而斃者何人哉遂索詩反其布卒葬漏澤園

明

毛士龍字伯高宜興人萬歷四十一年進士爲刑科給事中內豎劉朝田詔劉進忠盜宮中貲下獄魏忠賢傳旨貸死下刑科士龍抄參者三忠賢及諸奄銜刺骨忠賢憾張后誣爲死囚孫二所出士龍請究治妖言并主使忠賢益怒

山南通志

卷一百四十七 寓賢

三

士龍劾順天府丞邵輔忠輔忠反劾之因削籍忠賢又令私人張訥劾之遣戍平陽衛士龍知忠賢必殺已夜中穴牆遁其妾不知嗣有司殺之披髮號泣於道而忠賢適誅朝士爲士龍稱冤詔赦罪復官晉左僉都御史病歸

國朝

王國寧翼城典史明輔子姜逆之亂與知縣何斯盛同戰死

潞安府

漢

祝公道河南人建安中郭援破絳邑捕得邑長賈遠囚於壺關閉著土窖中以車輪蓋上使人固守方將殺之遠從窖中謂守者曰此間無健兒耶而當使義士死此中乎時公道游壺關與遠非故人而適聞其言憐其守正危阨乃夜

盜往引出折械遣去不語名姓援破遠乃知前出已者爲公道後公道坐他事遠救之力不能解爲之改服焉

仲長統字公理山陽高平人少好學博涉書記瞻於文辭年二十餘游學青徐并冀之間與交友者多異之并州刺史高幹袁紹甥也素貴有名招致四方遊士士多歸附統過幹幹善待遇訪以當時之事統謂幹曰君有雄志而無雄才好士而不能擇人所以爲君深戒也幹雅自多不納其言統遂去之無幾幹敗并冀之士皆以是異統統性儼敢直言後參丞相曹操軍事每論說古今及時俗行事恒發憤歎息因著論名曰昌言凡三十四篇十餘萬言卒時年四十一友人東海繆襲常稱統文章足繼西京董賈劉揚

山西通志

卷一百四十七 寓賢

三

張琚字子明鉅鹿人學兼內外袁紹前後辟命不應移居上黨并州牧高幹表除樂平令不就徙適常山門徒數百人卒年一百五歲

常林字伯槐河內溫人少單貧自非手力不取之於人性好學爲諸生帶經耕鋤其妻常自餽餉之雖在田野相敬如賓避地上黨耕種山阿當時旱蝗林獨豐收盡呼比隣升斗分之依故河間太守陳延璧陳馮二姓舊族冠冕林率其宗族爲之策謀張楊圍璧六十餘日卒獲全并州刺史高幹表爲騎都尉不受後刺史梁習薦州界名士林及楊俊王凌王象荀緯皆以爲縣長林宰南和治化有聲官至太常封高陽鄉侯卒謚曰貞

晉

馮和信都人永嘉之亂避地上黨子安雄武有器量慕容永舉爲將軍

北魏

元略字偶與中山王英第四子熙弟也累遷給事黃門侍郎清河王懌死後元又黜略爲懷朔鎮副將未及赴任會熙起兵於相州與略書來去尋值熙敗略遂潛行自託舊識河內司馬始賓始賓便爲荻筏夜與略俱渡盟津詣上黨屯留縣票法光法光素敦信義忻而納之略舊識刁雙時爲西河太守略復歸之停止經年雙乃令從子昌送略潛遁江左後肅宗徵略梁送至京師詔光祿大夫刁雙境首勞問封義陽王其司馬始賓除給事中領直後票法光本縣令刁昌東平太守刁雙西兖州刺史凡略所至一餐一宿無不霑賞累遷大將軍尚書令

唐

宋舉西河人唐起義兵舉爲將有斬將奪旗之功授儀同三司不受心慕元虛退隱於潞卒葬城西二里有墓誌

馮仇魏州元城人第五經貞元中路澤李抱貞卒仇以膳部員外郎充弔贈使抱貞男遣仇帛數百匹不納又專送京師仇因表奏同請不受屬醴泉令關上謂宰臣曰前使潞澤不受財帛者此人必有清政遂授仇歷拜左散騎常侍卒

符令奇沂州臨沂人初爲盧龍軍裨將挈子璘奔昭義節度使薛嵩署爲軍副後田承嗣盜其地引爲右職田悅拒命馬燧討之令奇密謂璘曰吾聞世事多矣自安史干紀無

嘽類吾觀田氏覆亡無時汝能委質朝廷爲唐忠臣吾亦名揚後世矣璘泣曰悅忍人也近禍可畏令奇曰今王師

四合吾屬組中醢兒今行吾死不朽不行吾亦死屍體逆地云何璘俯泣不能對及悅使璘護送齊將李納璘與父囑別與三子同出以三百騎降璘悅引令奇切讓令奇罵曰爾忘義且夕死吾教子以順殺身庸何悔釣死愈爾達矣遂遇害臨刑色不變年七十九贈戶部尚書

孔戡字君勝巢父從子第進士以大理評事佐昭義李長榮節度府盧從史代之留爲書記從史與王承宗田緒陰相連結戡始陰爭不從後秉筆至不軌之言極諫以爲不可從史始若受其言後益恣因謝病歸揚州李吉甫表置幕府戡未應從史曰是欲舍我而從人耶卽誣以罪奏三上

山西通志

卷一百四十七

前賢

唐

詔分司東都卒從史敗追贈司勳員外郎李回字昭度新興王德良後第進士會昌中累拜刑部侍郎兼御史中丞時方伐劉稹武宗慮河朔列鎮陰相締以撓兵事李德裕薦回持節往諭何宏敬王元達聽命又張仲武以幽州兵攻回鶻與劉沔不協回至諭以大義仲武釋然卽合太原軍攻潞復以回爲使督戰攻潞至蒲東王宰石雄案鞫道左回不弛行傾左右呼直史貴破賊限牒宰等震恐期六旬取潞否則死之未及期二日賊平進中書侍郎同平章事坐德裕貶終撫州長史

宋

黃庭堅字魯直分寧人嘗寓襄垣有像贊及薄酒醜婦歌石刻士人至今寶重之

元

張雄飛字鵬舉琅琊臨沂人父琮仕金守盱眙徙居許州雄飛幼失母琮妾李氏養之元兵屠許惟工匠得免有田姓者琮故吏也能作弓以雄飛及李氏為家人由是獲全徙朔方雄飛時方十歲至霍州李欲逃恐其累已雄飛知之頃刻不去左右李乃變服與俱還寓潞州雄飛既長往師前進士王寶英於趙城金亡雄飛不知父所在往來澤潞求之十餘年常客食僧舍後入燕廉希憲薦之處士羅英嘗言於世祖曰張雄飛真公輔器

山西

卷一百四十七

妻

明

張從恕東光人父仲素仕元為長沙通判從恕亦為元西寧總管元亡東歸寓居壺關遂為壺關人子謙舉茂才

呂時臣字中父鄆縣人工詩避讐遠遊歷齊梁燕趙間十年客食諸王門下晚客瀋藩宣王禮之亞於謝榛年七十客死涉縣魯府中立序其詩曰山人鶴骨癯癯若出衣表貞介廉潔不妄交不苟取故為諸王侯所重

謝榛臨清人少一目年十六作樂府商調少年爭歌之已折節讀書刻意為歌詩西游彰德趙康王厚禮焉李攀龍王世貞等結詩社於京師榛為長游道日廣藩晉諸王爭延致藩府王將軍中尉多工詩絲榛啓之也榛走塞下交孔文谷王行甫諸公萬歷元年冬復游彰德趙穆王尤禮敬

之

夏言上饒人進士嘉靖間以兵科給事中督剿青羊山叛寇陳卿一鼓焚其巢穴盜自縛以降奏請置邑以安輯遺子天子嘉之命其邑曰平順累官大學士為嚴嵩所害嵩敗後贈卹謚肅愍

汾州府

周

卜商字子夏衛人成周孔子弟子孔子既沒子夏居西河教授三百人為魏文侯師魏文侯問於子夏曰吾聞冕而聽古樂則唯恐臥聽鄭魏之音則不知倦敢問古樂之如彼何也新樂之如此何也子夏對曰今夫古樂進旅退旅和正以廣弦匏笙簧會守拊鼓始奏以文復亂以武治

西通志

卷一百四十七

妻

亂以相詆疾以推君子於是語於是道古修身及家平均天下此古樂之發也今夫新樂進俯退俯姦聲以濫溺而不止及優侏儻優雜子女不知父子樂終不可以語不可以道古此新樂之發也今君之所問者樂也所好者音也大樂者與音相近而不同文侯曰敢問何如子夏對曰夫古者天地順而四時當民有德而五穀昌疾疫不作而無妖祥此之謂大樂然後聖人作為父子君臣以為紀綱紀綱既正天下大定天下大定然後正六律和五聲弦歌詩頌此之謂德音德音之謂樂詩云邇其德音其德克明克明克類克長克君王此大邦克順克俾俾于文王其德靡悔既受帝祉施于孫子此之謂也今君之所好者其溺音乎文侯曰敢問溺音何從出也子夏對曰鄭音好濫淫志宋

音燕女溺志衛音趨數煩志齊音教辟驕志此四者皆淫於色而害其德是以祭祀弗用也詩云肅雝和鳴先祖是聽夫肅肅敬也雝雝和也夫敬以和何事不行為人君者謹其所好惡而已矣君好之則臣爲之上行之則民從之詩云誘民孔易此之謂也然後聖人作爲鞀鼓柷敔塤箎此六者德音之音也然後鐘磬筦瑟以和之干戚旄翟以舞之此所以祭先王之廟也所以獻酬酢也所以官序貴賤各得其宜也所以示後世有尊卑長幼之序也儀禮有祭服傳一篇鄭康成謂論語爲仲弓子夏撰漢徐防曰詩書禮樂定自孔子發明章句始于子夏當設教西河田子方段干木豎公羊高穀梁赤胥子夏門人云史記索隱子夏文學著於四科序詩傳易又孔子以春秋屬商又傳

山西通志 卷一百四十七 高賢 毛

禮著在禮志唐貞觀二年從祀開元封魏侯宋進封河東公度宗改封魏國公

高豎齊高止之子景王元年奔晉晉人城絳而箕旃

漢

徐穉字孺子豫章南昌人家貧常自耕稼非其力不食舉有道家拜太原太守不就穉嘗到江夏設雞酒薄祭太尉黃瓊不告姓名時名士郭林宗等數十人會葬聞之疑其穉也乃還能言語生茅容輕騎追之及於塗容爲設飯臨訣去謂容曰爲我謝郭林宗大樹將顛非一繩所維何爲穉穉不遑寧處及林宗有母憂穉往弔之置生芻一束於廬前而去衆怪不知其故林宗曰此必南州高士徐穉子也詩不云乎生芻一束其人如玉吾無德以堪之靈帝初欲

蒲輪聘解會卒時年七十二

郭巨河南彰德人居孝義永安性至孝竭力養母慮幼子分母食欲埋之掘坎得金人以爲天賜云墓在縣東北五里清義村

後唐

呂琦字輝山幽州安次人父堯爲橫海軍節度劉守文謀主劉守光族堯家琦年十五堯故客趙玉給其監者曰此吾弟也乃縱之玉與琦得俱走琦足弱玉負之而行琦美風儀重節概少喪其家游學汾晉之間唐莊宗鎮太原以爲代州軍事推官後拜端明殿學士晉天福中卒趙玉仕至職方員外郎琦事之如父王疾親嘗藥扶持及卒爲其家主辦喪葬琦子餘慶端

山西通志 卷一百四十七 高賢 天

宋

陳傳亳州真源人舉進士不第隱華山周世宗時嘗召至汴宋太平興國中兩入朝命爲諫議大夫不受還隱華山又嘗居石州北掃場街而嘗不洗洗輒雨後仙蛻於州之鳳山有仙塚在

邵雍字堯夫其先范陽人父古徙衡漳又徙其城雍游河南葬其親伊水上遂爲河南人雍少時自雄其才慷慨欲樹功名於書無所不讀始爲學卽堅苦刻勵寒不罽暑不扇夜不就席者數年已而歎曰昔人尚友千古而吾獨未及四方於是始踰河汾乃涉淮漢周流齊魯宋鄭之墟久之幡然來歸曰道在是矣遂不復出熙寧十年卒贈秘書省著作郎元祐中賜諡康節

金

杜瑛字文玉其先霸州信安人長七尺美鬚髯氣貌魁傑時兵後文物凋喪瑛搜訪諸書盡讀之究其指趣開關轉徙教授汾晉間中書粘合珪開府於相瑛赴其聘遂家焉

元

陳資壽錦州永樂人任寧鄉縣適元末兵燹之餘剿捕羣寇殺輯人民歷官至昭毅大將軍後遂占籍於此二子政致晉榮顯

明

張紳字佩之號雲溪浙江仁和人家汾陽性聰慧涉獵書史善畫嗜酒客遊燕秦間與司馬彭辛菴修撰康對山相友善倦遊還與劉文安龍為方外交卒年六十九文安誌其

山西通志

卷一百四十七

高賢

元

墓

鄭柏齡自號鶴菴山人家本吳會明初占籍汾陽先世累為慶成永和二藩王師柏齡肆力詩古文以寄其蕭散簡放之韻子觀孫奇胥選拔

大同府

漢

陳平陽武戶牖鄉人少好讀書治黃帝老子之術歸漢為都尉六年封戶牖侯七年從擊韓王信於代至平城白登被圍七日不得食高帝用平奇計使閼氏為解圍得開高帝既出其計秘世莫得聞更封為曲逆侯十年從擊陳稀惠帝六年為左丞相後與太尉周勃謀誅諸呂立文帝文帝

二年卒謚曰獻侯

夏侯嬰沛人高祖以嬰為太僕常奉車賜爵昭平侯更食汝

陰剖符世世勿絕從擊代至武泉雲中益食千戶從擊韓王信軍胡騎晉陽旁大破之迫北至平城為胡所圍七日不得通高帝使使厚遺閼氏冒頓乃開其圍一角高帝出欲馳嬰固徐行弩皆持滿外嚮卒以得脫益食嬰細陽千戶從擊胡騎勾注北大破之擊胡騎平城南三陷陳功為多賜所奪邑五百戶從擊陳稀陷陳却敵益邑千戶定食汝陰六千九百戶文帝八年卒謚曰文侯

酈商高陽人以所將四千人屬沛公賜爵信成君從擊臧荼以功遷右丞相賜爵列侯食邑涿郡五千戶別定上谷因攻代受趙相國印與絳侯等定代郡雁門得代丞相程縱守相郭同將軍以下至六百石十九人後以右丞相擊陳

山西通志

卷一百四十七

高賢

手

稀殘東垣更封曲周侯

馬援字文淵扶風茂陵人其先趙奢為趙將號曰馬服君子孫因為氏援少有大志建武十七年拜伏波將軍擊交趾斬徵側徵貳封新息侯二十四年烏桓寇扶風援出屯襄國明年秋將三千騎出高柳行雁門代郡上谷障塞烏桓侯者見漢軍至遂散去援無所得而還二十四年征五溪蠻病卒建初三年追謚曰忠成侯

楊政字子行京兆人少好學從代郡范升受梁邱易善說經書京師為之語曰說經鏗鏘楊子行教授數百人范升嘗為出婦所告坐繫獄政乃肉袒以箭貫耳抱升子潛伏道旁候車駕而持章叩頭大言曰范升三娶唯有一子今適三歲孤子可哀武騎虎賁懼驚乘輿舉弓射之猶不肯去

旄頭又以戟又政傷胸政猶不退哀泣辭請有感帝心詔曰乞楊生師印尺一出升政由是顯名建初中官至左中郎將

北魏

常爽字仕明河內溫人魏太常卿林六世孫也祖仕秦居涼州爽少而聰敏嚴正有志慨離家人僮隸未嘗見其寬誕之容篤志好學博聞強識明習緯候五經百家多所研綜州郡禮命皆不就世祖西征涼土爽與兄仕國歸歎軍門世祖嘉之賜爽為六品拜宣威將軍是時戎車屢駕征伐為事貴遊子弟未遑學術爽置館溫水之右教授門徒七百餘人京師學業翕然復興爽立訓甚有勸罰之科弟子事之若嚴君焉尚書左僕射元贊平原太守司馬貞安著

山西通志

卷一百四十七

至

作郎程靈虬皆是爽教所就崔浩高允並稱爽之嚴教獎勵有方允曰文翁柔勝先生剛克立教雖殊成人一也其為通識歎服如此因教授之暇述六經略注以廣制作甚有條貫其書行於世爽不事王侯獨守閒靜講經肄典二十餘年時人號為儒林先生年六十三卒於家

江強字文威陳留濟陽人高祖愛善蟲篆詁訓徙居涼土世傳家業太延五年涼州平強內徙代京上書三十餘法各有體例又獻經史諸子千餘卷拜中書博士卒子紹興掌國史二十餘年孫式篆體尤工撰古今文字四十卷陰仲達武威姑臧人少以文學知名涼州平內徙代都司徒崔浩啓仲達與段承根云二人俱涼土才華同修國史除秘書著作郎卒

房靈建房靈寶清河繹幕人靈寶文藻不如靈建而辯悟過之胥以才名見稱靈建宋渤海太守靈寶冀州治中後魏

平青冀胥人代為平齊民雖流漂屯圯操尚卓然並卒於平齊

崔道固字季堅清河東武城人母卑賤父輯曰此兒委識或能興大門戶為宋冀州刺史鎮歷城慕容白曜南伐道固而縛白曜送赴代都乃徙齊土望共道固守城者數百家於桑乾立平齊郡於平城西北北新城以道固為太守賜爵臨淄子尋徙居京城西南二百餘里舊陰館之西延興中卒子景徽襲

房景伯字長暉清河繹幕人祖元慶為沈文秀所害父愛親

隨例內徙為平齊民以父非命疏服終身景伯生於桑乾

山西通志

卷一百四十七

至

少喪父以孝聞家貧傭書自給養母甚謹尚書盧淵稱之於李冲冲時典選拔為奉朝請司空祭酒後行齊州事除清河太守號循吏仕至司空長史以母疾去官母亡病積年不愈卒景伯涉獵經史諸弟宗之如事嚴親鄉里語曰有義有禮房家兄弟廷尉卿崔先韶好標榜人物無所推尚每云景伯有士大夫之行業

房景先字光甫景伯弟幼孤貧無資從師其母白授毛詩曲禮年十二請其母曰豈可使兒傭賃以供景先也請自求衣然後就學母哀其小不許苦請從之遂得一羊裘忻然自足晝則樵薪夜誦經史自是精勤遂大通瞻太和中外例得還鄉郡辟功曹州舉秀才解褐太學博士太常劉芳侍中崔光歎其精博光奏兼著作佐郎修國史侍中穆紹啓